

د / طه حشيش

وش الخير

الطبعة الأولى

٢٠٠٨



تسويق ونشر

مجموعة أجيال لخدمات التسويق والنشر والإنتاج الثقافي

الكتاب: وش الخير

المؤلف: د/ طه حشيش

الطبعة الأولى: القاهرة ٢٠٠٨

رقم الإيداع: ٢٠٠٧/٢١٧٦٩

الترقيم الدولي: I.S.B.N. 977-6215-14-9

حشيش، طه.
وش الخير/ طه حشيش. ط١. - الجيزة: مجموعة
أجيال لخدمات التسويق والنشر والإنتاج الثقافي،
٢٠٠٧.
١١٢ ص؛ ٢٠ سم.
تدمك: ٩-١٤-٦٢١٥-٩٧٧
١- الشعر العربي - تاريخ - العصر الحديث.
أ- العنوان ٨١١,٩

د / اء السبى

١٢٥٠.٩ ٥٥٩

١٢٣٥٥ ٢٧١٩

وش الخير

المدير العام
مدير النشر
خالد عبد الصمد خفاجي
عادل متولي

الجمم والصف الإلكتروني

القسم الفني

إشراف وتنفيذ
تصميم الغلاف: الفنان
إيمان خفاجي
عطية الزهيري
طباعة
مطبعة صحرة



تسويق ونشر

مجموعة أجيال لخدمات التسويق والنشر والإنتاج الثقافي

الإدارة والمكتبة: ٤٤٩ ش السودان - المهندسين

الدور الأول - شقة ٤

أمام مجمع محاكم شمال الجيزة.

التسويق: ٠١٢٣٧٠٥٠٢٤ - ٠١٨٨٩٣٦٣

Email: aagyal@yahoo.com

aagyal@hotmail.com

الإهداء

إلى أبنائي مروان ومعتز ومها
وأوصيهم أن يحبوا جميع البشر
طه حشيش

دكتور في كلية الشعر (*)

ذات يوم جاني شاب يحمل رزمة من الورق مكتوبة بخط اليد،
ديوان شعر لشاعر شعبي لا يجد ثمن الورق، ولا أجره الطبع، ولا
مصاريف الدعاية والإعلانات!

الشعر ينبض بالحياة، يبكي بغير دموع، يضحك بغير صوت
الكلمات بسيطة، ولكنها بليغة في سذاجتها. فيها صور بغير آلة
تصوير. وفيها معان كالسهام!

إنه شاعر لا يغنى في المناسبات، ولا يلقي القصائد في
الحنلات، ولا يسمع به الناس، طالب في السنة الأولى بكلية الطب
جامعة عين شمس. عمره عشرون سنة. ولكنه يضع آلام الناس على
المشرحة كجراح ماهر. ولأنه في سنة أولى يعرف أعراض
الأمراض.. ولا بد أن يعرف وهو في سنة رابعة طريق العلاج ووسائل
الشفاء! يمشي في الشارع فتستوقفه كومة من اللحم، ويجده طفلاً
نائماً في الوحل، والندى يسقط عليه. ولا أحد يهتم أو يرباه أو
يسأله لماذا ينام بلا مأوى ولا غطاء. ويوقظه من نومه ليسأله ماذا
رمى به في هذا الحرمان، فيجيب أن أباه مات وأوصى عمه عليه
وهو طفل صغير، وبدلاً من أن يهتم العم بابن أخيه تزوج من أم
الطفل قبل أن تمس الأربعون.. القصة منظومة في بضع كلمات.
وكل حرف فيها يصرخ ويئن ويتوجع وكأنك تسمع صوت الطفل
المهجور المسحوق الذي غدر به عمه القاسي الظالم!

(*) كتب هذا المقال يوم ٢١ من ديسمبر ١٩٧٩م في جريدة الأخبار وكان الشاعر
وقتها طالباً في كلية الطب وجاء هذا المقال بعد لقائه بمصطفى أمين وقد أعجب
بشعره وكلماته الرقيقة فكتب هذا المقال في عموده اليومي الشهير (فكرة).

وهو يمشى فى آلام الفلاحين والمسحوقين. يريد أن يغنى ويرقص
ويطير.. وهو لا يستطيع أن يغنى فى أحزان الناس. ولا أن يرقص فى
مآثمهم. ولا أن يطير وهم يزحفون على بطونهم. وهم يشكو أن وعدنا
الورد أن نرويه بالحب فلما كبرت الوردة، وفاح عطرها قطعناها
بأيدينا القاسية. وهو لا يستطيع أن يقدم لحبيبته الراج والروائح
العطرية وإنما يقدم لها الفاس والمقطف لكى يملأ الصحراء زرعاً،
وليضع فى كل ماسورة مدفعاً، ويرفع مثذنة لكل جامع، وليحول
سجون الماضى إلى مصانع، وليملأ قلوب الناس بالحب والخير!

وهو عندما يحب معشوقته لا يحبها كآى امرأة! إنه يحب قلباً
يعشق، وعقلاً يفكر، وساقية تدور تروى الكفر والبندر، وشمعة
تضى الحارة، وشجرة تظل الأهل، وأما لأولاد يصيحون رجالاً فى
ساعة الشدة. ولا تلبث أن تجده يعشق مصر، ولكن مصر التى
يعشقها لا يعشقها وحدها، وإنما يعشق كل مدرسة وجامع فيها،
كل بائع يرحم الشارى، وكل شار يعذر البائع.

وهو يتساءل ما قيمة اللمة بغير كهرياء، وما قيمة وابور الجاز
بغير أبرة الوابور. وما قيمة الفنان بغير الموهبة، وما قيمة شعب بلا
ثقافة، وهو يطالب بالكتاب إلى جوار الرغبة، بل يطالب
بالكتاب قبل الرغبة، وهو يقول أن الرغبة من غير كتاب هو
شعب يدهن نفسه حياً فى التراب.

إن طه السيد حشيش طالب فى السنة الأولى من كلية الطب..
ولكننى أحسست وأنا أقرأ ديوانه الشعبى المتواضع أننى أشهد
مولد دكتور فى كلية الشعر!

وسوف يدوى ذات يوم اسم هذا الشاعر الصغير المجهول!

مصطفى أمين

مُفْتَح

أول خيوط الفجر	شمعه تقيدها حروف
نورها عصارة فكر	بيكش منه الخوف
ودموعها نازلة تشر	تحى بدموعها ألوف
والحق لو كان مُر	بتقوله ما فى كسوف
أصل يا ناس الحر	صوته كده معروف!!

..وعند الساقية تسلى

فى قلبك يترسم اسمى
بنورك لما تبتسمى
ويرقص قلبى ويغنى
يصحى الفرحه فى جسمى
ده لما عنيكى تهمس لى
هويتنى كما إبنك
وحبيبتك كما بنتى
وعشنا عمرنا نضحك
فلا نسيتك ولا خنتى
قالوا لى أبعد فى يوم عنك
عليّا.. والله ما هونتنى
ده قلبك موطنى الأصلى

وعند الساقية نتسلى

أنا أروى الأرض.. ونفنى

ماليش غيرك أناضيلّه

ولا يوم غيرى تّمنى

ولما نحصد الغلّه

نبارك بعض ونهنّى

ويّدعى ربّ تسلم لى

أحبك والهوى بخرى

وموجه جّلو متعافى

ده قلبك مركبى السحرى

وموجه عزم مجدافى

وموج البحر حين يجرى

ويلمس كفك الدافى

بيتهادى ويرقص لى

أحبك والندى إنتى

وعود أخضر حيا طنتى

أحبك تعشقى شمرى

أحبك تفهمى صمتى

أحبك زى ما كنتى

لحبى وغريتى صنتى

وتشتاقى ليوم وصلى

يا حبيبتي.. ما أنت عارفه

نفسى أجيب لك كل غالى لو عنينا تطلببها
لا يا حبي.. أنا مش بغالى ما أنت عارفه إيه اللى فيها



فاكره أول يوم ما شفتك ويا رحله فى الجنينه
الهوا يفاضل فى شعرك والحنان نور عنينا
والعبير من بين شفايفك نسمة صافيه تفوح علينا
يومها قولتى لى "بحبك" صحيت لى روحى بيها



يومها عرفتلك ظروفى وأنت لسه فى البدايه
قلت لك أنا كل خوفى تتعبى قبل النهايه
دى الهموم فى الدنيا طيفى والطريق صعب لهوايا
شلتى أحزانى وكسوفى لما قاتلى نبتديها



بيكى كل الدنيا صارت وردة تضحك بين إيدينا
والطيور بعد أما كانت ساكته.. غنت لما جينا
والجراح بالحب هانت والحياة فرحانة بينا
والطريق أولها بانـت شمس حب النور مالها



لسه وفى نص الحكايه رحتى ماشيه بدون تحيه
وانتهى حبك معايا والسبب حالى المالىه
قلت لك أنا م البداية لا أنفمك ولا إنتى ليا
نفسى واحدة تكون معايا ع الظروف نقدر عليها



يومها أجيب لك كل غالى لو عنيا تطلبها
لا يا حبي أنا مش بقالى م الظروف فزنا عليها

أغنيك وأحلميك

طول عمري مستنى القرب من قلبك
فى نهاري أنا أغنى وفى ليلي بأحلميك



من قبل ما شوفك بالقلب حسيت بك
ياما رسم طيفك وأتمنى يوم ودك
ده الفجر من نورك والفيل من خذك



ياللى الجمال رسمك والابتسام طبعك
والسحر ده إسمك والحب من زرعك
بليل أنا نفسى أرقص على فرعك



مادد أنا إيدى وفارد لك أغصانى
وصلك ده يوم عيدى وفراقك أحزانى
دى عنكى دى بحرى ورموشها شطانى
باغزل أنا شمعى منها.. والحنانى

◆◆◆

يا نسمة حين تسرى فى الورد يتبسّم
ويزقزق الإمىرى فى القلب ويقسّم
إمتى يا نور عمى الحلم يتجسّم

◆◆◆

قسوة الحبيب

يا حبيبي إيه الحكاية	كل ساعة فى حال وحيله
يوم عليا ويوم معايا	دى الحياة حلوة وجميله
كنت فاكرك ليا أتارى	الأماني مستحيله
أنت بايع ولا شارى	قوللى إيه هى الوسيله
قول لى كيف أوصل لقلبك	دى الحياة أيام قليله
أنت بتفكر بمقلك	أما عقلى راح دليله
هو معنى الحب عندك	يتسى بين يوم وليله
دى المشاعر حاجه ساميه	قصدى لو كانت أصيله



بسم أنا هافضل أحبك	ياللى حبى لك قضا
أصل أنا من غير ما حبك	زى طير تاه فى الفضا
كنت فاكرك بتبادلنى	السعادة والرضا
وأفرح أما بتعاتبنى	نأ أكلهم ده ودا
أتارى قلبك بيشاغلنى	والحقيقه غير كدا
كنت فاكر إن عمرى	الحقيقى بيك إبتدا
مللعت قاسى بقلب حجبرى	لا صوت يجيب ولا صدى

حرب ولا حب

شهر - شهرين أو سنه كل أحلامي في قلبك
كانت الأيام ضنا صارت هنا من يوم ما شفتك
أحلى كلمة في ودني أنا يوم ما قلتى "قررت أحبك"
دق قلبي صار غنا والعيون تتمنى قُربك



هو يعنى الحب عندك حرب لازم نبتديها
ذنبي إيه أتعب بعندك م الحياة كفاية اللي فيها
دنيتي تضلّم في بُعدك إنتى شمس تنور بها
كنت مش حاببها قبلك أما بعندك باشتهيها



اللى نفسك فيه قوليه ليه تخبى وليه تدارى
واللى حبك.. اشتريه ياللى حبك طفى نارى
نور عنيكى باحيا بيه كان فى ليلى أو نهارى
فين حنانك التقيه ياللى طال فيكى إنتظارى



كل ما قرب من هواكى إلتقيكى تبعدينى
ياللى رى اصطفاكى ليا إوعى تكرهينى
بدعى رى يا ملاكى دين ودنيا تكون قرينى



غیروکی

غیروکی تانی منی	قسّوا قلبك لیه علیّا
یاللی قلبك حته منی	ده إنتو روحی ونور عنیا
بس نفسی أعرف یا حبی	إیه جری فی الدنیا دیا
هو حُبك كل ذنبی	دی الصراحة طبع فیّا
یعنی كان لازم نخبی	م الی قال حبك خطیّا؟

❖❖❖

ده إنتو حُبك لیّ دین	والعیون هیّ الرسول
كنت أشوفك كل حین	والنهارده الشوق یطول
كان مُتایا من سنین	زی قلبك یوم أنول
والنهارده صار حزین	قلبی من فعل العزول
ضحك قلبك صار أنین	والظنون مَلَتْ العقول

❖❖❖

أحلى طرحة

كل يوم باحبك أكثر أصل حبك ده صلاتي
مهما قلت إزاي أعبر عن منايا وعن أهاتي
كل ثانية شوقي يكبر حلمي بيكي صار ليلاي
قلبي كل دقيقة يسأل إمتى صبح الفرح آتى؟
والفراق غريانه ترحل لما ترجع أغنياتي
والحنين للقرب يفزل أحلى طرحة يا حياتي



جوّه قلبي يا حبي دوبي إنت قلبك نهر صافي
نهر بأغسل فيه ذنوبي نور عنيكي لجرحي شافي
يا حبيبتي إياك تتوبي عن هوايا إياك تخافني
ده إنتى شَعرك ليا ثوبي فى عز "طويه" أحس دافى
عمري ما أنسى يوم هواكى دق قلبي ليكى وافى
لو هايملا الشوك طريقك مستعد أمشيها حافى



فى ابتسامتك نفسى أغرق والشجر يضحك بهفهف
والطيور ترجع تزقزق والحياة من الحقد تتصف
والحبيب لحبيبه يمشق والمتاعب بينا تراف
لا يا حبي انا عمرى ما زهق ولأ غيرك يوم راح أعرف

♦♦♦

غير حلاوتك ما اشتهيها

إنّو حاجة وهمّا حاجة إنّو أصلك حاجة تانيه
إنّو طيبه أو سذاجة أمّا همّا راس لحية
همّا غدر أو سماجة وإنّو شجرة مستحيه
نفسى أنزع لك جذورك من اراضى الخبث ديا
بس ساعدنى بدورك لما أقول لك إنتى ليّا
انصفينى لما أشورك وإنسى كل الأهل بيّا



شئ عجيب الوردة تطلع من اراضى الشوك ماليا
ولّا شمس الفجر تسطع والفيوم حطّت عليها
نفسى أحرث اراضى وأزرع بس اراضى السوس كافيا
اتبسامتك ليّا منبع بروى روحى وقلبي بيها
عينى منك يوم ما تشيع ده إنتو صورتك ساكنه فيها
دق قلبك غيره ما سمع غير حلاوتك ما شتعيها



إعذريني يا حبيبتي ألى حاسس بيه بأقوله
قلبي حبك.. حبك إنتي بيكي صاحى الليل بطوله
مش هاخضع يوم لفيرك أو هاينسى يوم عزوله
جؤ قلبي يفنى طيرك أحلى شمر كتبتوله

❖❖❖

بكره عيدك

بُكره عيدك يا حبيبتي كان مُنايا أكون معاكى
ما إنت عارفه مش بإيدى قلبى من أشجانه باكى
عمرى ما اتوهمت حتى إننى أشكى من هواكى
عارف إنه مش بإيدك وإيه يصبرنى لولاكى
ده إنت نور فى القلب سارى والنساييم من روباكى
ليه فى عنيكى الحزن قارى هو قلبك صار بلاكى
ده إنت أظهر قلب شفته روحى.. قلبى.. دول فداكى
حبى ليكى بقلبي صنته جه العزول قطع شباكى



بكره عيدك يا حبيبتي كان مُنايا يكون عيدين
عيد ميلادك لما بنتى زى وردة فى وسط طين
وعيد فرحنا قلبى وإنى نشقى بيه المجروحين
جرح حبى لسه نازف نبض قلبى صار أنين
والعزول وكأنه حالف يأذى كل العاشقين
بس ربح القلب قادر يخلع الحق الدفين



وحشتينى

وحشتينى وانا جنبك يا نور قلبى.. وحشتينى
أنا طول عمرى بأحلم بك فى ننى عنيكى.. خبينى
عنيكى بحر من لؤلؤ على صدرك.. يرسينى
وموجه عالى ويببرق يَفَرِّقُ فيه عدوينى

❖❖❖

هواكى كان مُنى قلبى ويا ما حلمت أنا بيكى
وقلبك راحه من تعبى وطيبتك أحلى ما فىكى
يا غنوه قلبى لحنها فى يوم فرحك.. بهنيكى
يا وردة.. ما أحلى ألوانها وكان العطر من فىكى

❖❖❖

خدودك للهوى نسمة أشم هواها يحيينى
شفافيك.. للعليل بسمه ومين غيرك يداوينى
ده شمرك للجبين قُصنه ووشك نقش فرعونى
وحبى ليكى صار قُصنه يا أجمل صورة فى عيونى

❖❖❖

أمير العشاق

يوم يفوت ما سمعش صوتك صدقيني ده شئ خطير
البلايل حاسدة صوتك والطيسور منك تفير
يوم يفوت من غير ما شوفك أبقي عايش كالأسير
الورود تلمس خدودك يبقى شوكةا خيط حرير
ده النهار من غير عنيكى ضلمه يا بدرى المنير
والحياة من غير هواكى بامشى فيها كالضير
أما قلبى فى يوم لقاكى صار على العشاق أمير

❖❖❖

هاتى قلبك وينا قلبى يا حبيبتى يعيش معاه
ليه ندارى وليه نخبى ده إنت حُبك لينا جاه
قبل حُبك كنت فاكر اللى فيها - دى - حياه!!
كنت زى الطير مهاجر والفؤاد شاب من شقاه
جه هواكى الحلو ساحر رجّع القلب لصباه
بيكى حسيت إنى شاعر أحضن النجم فى سماه
قلوبى بيكى صار مفامر دُنْ - حقد الناس - معاه

❖❖❖

حبك هو إلهامي

سافرتي وقلبي وياكي	ومين غير قلبي يستاهلك
لوحدى سهرت أنا باكي	وحتى في نومي بأحلم بك
في بُعدك عشت أنا في كربه	نهاري ويلي باندهلك
ولييه الحجر والغريسة	ده وانتى معايا باشتقك
ما بين الدمعه والآهه	أعيش وأحلم بيوم وصلك
في قلبك ما في غير "مه"	على دقاته يرقص لك

معاكي الدنيا تضحك لي	يا أجمل ضحكك في أيامي
هواكي في قلبي حرك لي	مشاعر نايمه في أحلامي
حمامة إنتى على غصني	تفنى أحلى أنفامي
عنيكى ملايكه تحرسنى	وحُبك هو إلهامي
أنا بيكى ملاك طاهر	في جنة حينا السامي
ومن غيرك أنا حاير	كأني قطعت أرحامي

قلبك جنبى

أخاف عليكى لو حتى جنبى وأشتاق إليكى لو يوم بعدتى
يا نسمة تسرى من جوه قلبى تمنش حنينى وتهدى حيرتى
الشوق إليكى دبلّ جفونى والعين عليكى مطرح ما كنتى
من عشقى ليكى كترت ظنونى آه من عنيكى من يوم عشقتى
فين لما كانت أحلى الشفايف مالمش سيرة غير بس سيرتى
دلوقتى بسهر طول ليلى خايف الصبح يطلع مالقاش حبيبتى!!

❖❖❖

يا وردة حلوه فى الفرح فاحت يا لحن صافى لأجمل أغانى
من يوم ما شمسك بليلى لاحت الطير ينفى والنور ملانى
مين كان يصدق فى يوم أحبك ده أنتى الأميرة.. والشوق رمانى
من يوم ما زقزق عصفور هوانا وأنا قلبى حالف ما يدق ثانى
إلا لعنيكى يا ننى عينى غير حبك إنتى والكل فانى
قلبك ده بيتى بس إعدزىنى أهواه لوحدى وأكون أنانى

❖❖❖

عليكى قلبى وصّانى

أنا فى هواكى مترّنى ده قلبك أصله بُستانى
عنيكى فى الهوى طيّبى عليكى قلبى وصّانى
ده شعرك ديل حصان عربى ووشك حُسن ربّانى
لمين غيرك يـكـون حـبـى ف قلبى ما فيش قمر تانى
معايا ف فرجى وف كُرنى وعُمري ما عشت وحدانى
وليه هاندارى ونخبى ده حبك (هو) عنوانى

❖❖❖

هواكى نسمة تحيينى وتنعش فى وجدانى
وبانسى أيامى وسنينى فى يوم م اخذك فى أحضانى
بمادك عنى يشقيني وقربك منى هَنّانى
حنانك نهر يروينى غُناكى أحلى الحانى
بصورتك تكتفى عيني واسمك غُثوه ف لسانى
وانسى حين تـضمينى لـصدرك - كُلّ خـلاّنى

❖❖❖

أنا عصفور على غصنك وانتى معايا وحشّانى
أغنى لك وأرقص لك تشاورلى - أعيد تانى
ده أنا فى هواكى مترّنى وقلبك أصله بستانى

ليه نتقل

عشان حنيت ليك نتقل ده أنا ف الثقل استاذك
ما كانش في ظني ده يحصل تسبب القلب حين عازك

وليه طبعك صبيح قاسي ده قلبك في كان دايب
يا واخد عقلي من راسي في حُبك صرت أنا تايب

دي كانت رقتك عنوان لكل العاشقين جنة
وحضنك ما في زيه حنان شفايفك للعروس جنة

أنا حيران لأفعالك عملت أنا إيه عشان تنسى
نسيت الكل علشانك وقلبي عملته ليك مرسى

سفارين ياما كات ترسي على قلبي ويطردها
وأخر حبى ليك تقسى وكنت نجومى ترصدها

سماك دلوقتى مليانه نجوم غيرى بلا معنى
طيورك واقفه حيرانه حزينه تمام بدون مَقْنَى

❖❖❖

وفين لَمَّا القلوب كانت بتحضن بعض وتزقزق
وتطرد بومه لو صاحت وشمس الحب بتشقشق

❖❖❖

أنا مشتاق إليك والله مفيش غير خجلى مانعنى
عنك من بين غيوم طالله لقلبك شارى - ليه باعنى؟!

❖❖❖

وفين راحت أمانينا ده أنا عايش عشان خاطرك
كمان ناسى أغائينا ده شعري ناظمه من بحرك

❖❖❖

يا روح تسرى فى شرايينى حياتى وحى الهامك
غيابك عنى على عينى ح أجيلك حتى فب أحلامك

❖❖❖

دموعك سبجه من فضه حرام تنزل على خدك
بنورها كنت باتوضا يروح تعبى بحنان يدك

زمان كُنا حمام زاجل يوزع الأحبة سلام
على الأغصان بتمايل وما فى غير هديلنا كلام

بلاش الصد يا حبيبى ماليش فى الدنيا أنا غيرك
وليه كده غاوى تمذيبي عنيا ماشايفه غير نورك

أنا غرقان ومين يقدر بدون عطفك ينجينى
ولو تبعد أنا هاخسر أمانى ف دنيتى ودينى

تعالى نرجع الماضى وإيام الهوى الحلو
ف حبك كنت أنا راضى وصوتك فى القلوب غنوه

أنا آدم

سلاّم من قلبى لعيونك	أنا مش قد تمزيك
يحبى ربي ها يصونك	وتانى تعودى لحبيبك
فراقك عنى على عيني	ده أنا مشتاق لتهديك
ونهر الحب يروينى	نغم لحنّته على عودك
حبيبتي روحى مشتاقه	سماع صوتك وتغريدك
فى بعدك إيدى محتاجه	تدفيها بحنان إيدك
أنا وردة لولاكى أدبل	دى ريحتى رمز لمبيرك
وقلبى ف الغياب يسأل	ينور ليلسى.. مين غيرك؟

❖❖❖

يا نجمة ف السما تشتر	رسايل حب للعاشق
يا نسمة للقلوب تسحر	ده أنا قلبى إليكى إشتاق
أنا آدم ومين غيرى	يسيب جنبه عشان حواء؟
أنا م الدنيا مش عايز	سوى عنيكى تكون لى براق
عشان أقدر أطير ليكى	وأحضن وجهك الوضاء
أنا حبيت جميع الناس	ومش مهتم بالأسماء
م أنا من يوم م حبيتك	وكل الناس فى قلبى سواء

أَسَفُ إِنِّي بُوَدَّعَكَ

إيه حكايته يا حبيبي يوم تجافى ويوم تحن
يوم تكون آخر حلاوة ويوم عنيك مليانه ظن
إنت مستخسر سعادتي ولا طبعك غاوى غم
من عمايلك جن عقلى إمتى عقلك راح يجن؟

ليه كده حبك عجيب زى قلبك مافى قلب
ده أنت لما ف يوم تغيب قلبى ما بيلقى له طب
وأما يوم تعطف تعود كل كلمة تقولها سم
إنت قلبك ليه عنيد بعده حالف يوم ما أحب

كل ساعة بلون وشكل ده إنت حبك شئ خطير
يوم عتيك تاكلى أكل باقى أيامك تغير
العذاب فى الحب طبعك ليه بتسعد بالألم
ده أنت ما بين الحبايب فى القساوه بقيت سفير

❖❖❖

قول لى أعمل إيه لقلبي لأجل ما يوم يكرهك
أصلى أنا لو يوم كرهتك من ورايا بيندهك
كل صبر وله حدود عمر ما بينفع ندم
ياللى حبك صار قيود آسف إنى بودعك

يا خالق قلبي.. رحماك

هل العيد وهلالك فين شايلك جوّه العين والقلب
ده إنت إن غبت عليا يومين كنت أعيش بين هم وكرب
ليه تهجرني وليه تتساني ليا - ما كان غير حبك حُب
ياللي هواك جدد لي زماني ليه ترميني ف وسط الدرب
قالوا عليك - يا حبيبي - أنا كنت أقول - مش ممكن - كذب
ده إنت عنيك على طول سحراني قول لي إزاي الأقى لهم طب
قبلك - كنت بأعيش وحداني لما هواك على قلبي - هب
قلبك - كده بشويش صحاني خلا الروح - من تاني - تدب

❖❖❖

مين كان يحلم إني في يوم أبقى ف دنيا غير دنياك
ياللي هواك علمني الصوم عن كل الحلوين إلاك
ف بمسالك يخاصمني النوم طول ليلي وأنا فكري معاك
مع إني قاسي وعنيد مش قادر - يا حبيبي - أنساك
تدلل وأنا شوقي يزيد وأتمنى لو نلت رضاك
حتى الحب أسياذ وعبيد يا خالق قلبي - رحماك

بطل جنونك

يا حبيبي إزاي تُمر
ليه يا حلو صبحت مُر
من علينا بدون سلام
ولا بتعزّ الكـلام
نظرة واحده ليك تُسر
ده إنت محفوظ المقام
جوّه قلبك عشت حُر
مالي غير حبك غرام

❖❖❖

ليه بتهجر وتاعدني
وأما قلبك بيواعدني
ده إحنا روح بتدوب ف روح
كان تطيب كل الجروح
لما اتعب قوم ساعدني
ليه تسييني - يا حبي - أنوح
ياللي حبك كان ساعدني
والعبير منك يفوح

❖❖❖

مش ها تقدر تتسى حُبِّي حُبِّي لِيك هو الحياه
ده أنت حُبِك جوّه قلبِي زِي طير إشتاق غُناه
لو تشاور- يوم- ألبِي أجرى أبوس أجمل شفاه
إنت دائِي وإنت طَبِّي قلبِي لَمَّا هاجرتَه.. تاه

يا حبيبي بلاش تغيّر هو أنا معقول أخونك
قلبي صار في هواك أسير بدعي ريّ - ليه - يصونك
حُبِّي لِيك أكبر كثير عنّي روح إسأل عُيونك
هذي نفسك يا أمير ع القلوب.. بطل جنونك

امتی ترجع یا جیبی

لا انا اقدر ما حبكشى ولا اتحمل فى يوم غيرتك
اغيب عنك.. ما همكشى وكل دقيقة انا ف سيرتك
ده قلبى غيره ما ملكشى ويتمنى ف يوم جيرتك
وليه قلبك ما يرحمشى يعذبنى.. تزيد حيرتك

تعالى اهدى على صدرى ف حبى . ياما . سهرتك
بحبك ابتدا عمري وجوه القلب.. امرتك
سفینتك مالها غير بحرى وبين احضانى كبرتك
كلامك كان يفوق شعرى تقوم تهجرنى.. يا خسارتك

أنا وأنت ما فیش تالت
ومن غیرک أنا بایت
طیور الحب وحشانا
وترقص تانی ویائنا
یفرقنا ویجمعنا
لیالیا بدون معنی
نفنی لها.. وتسمعنا
ندلعا.. تدلعا

بلاش تتعینی أنا منك
ومنك.. عُمري أنا ما أزعل
ومقدرش أغیب عنك
وعنك قلبی راح یسال
أقول له القاسی هاجرني
ما كانشی فی ظنی ده یحصل
یقول لی بكرة راح یرجع
یخلی . دنیتك . أجمل

أمري

مرّت ليالى الضنا حُزن والام وجراح
نستى طعم هنا وسمعت . ياما . نواح
وف يوم لقيتك أنا طالله يا أحلى صباح
غنيت طيور حبنا ملت القلوب أفراح
حلقت فوق فى السما بين النجوم سواح
يضحك معايا القمر أخذك فى حضنى أرتاح
أقول له إنتى القمر وإنسى زمانه - راح

❖❖❖

من صغرى كنت أرسك فى القلب ورده ويبست
وف ننى عيني أحرسك وف ليلي . ياما . حكيست
أيام طفولة ومرح لحن الهوى غنيست
ترقص قلوبنا فرح غيرك ما يوم حبيست
حبك فى قلبى سرح مهما إنجرح . ما شكيت
إوعى ف يوم تهجرى قلبى . ده ياما . قاسيت
بس إنتى يوم أأمرى تلاقينى جنبك . جيت

الحب مسيره يرجعنا

عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

مين يقدر يقتل مشاعرنا أو شوقنا لبعضنا يمنعنا
مين يقدر يسرق أفكارنا نتكلم . الكون يسمعنا
ف بعدنا . الدنيا تنوح ونعيق الغريان صدعنا
لورحنا مطرح ما نروح الحب مسيره يرجعنا
عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

يا حبيبي أنا قلبي معاك إدلع على قلبي براحتك
لو تهجر أنا هستاك من عشمي ف هواك وسماحتك
بس أوعى تطول ف غيابك ولا مرة يا حبيبي جرحتك
هاتلف وترجع لأحبابك والحب مسيره يرجعنا
عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

مش ممكن نبعد يا حبيبي	عن بعض لو حتى ثواني
م أنا أصلي ف حبك يا حبيبي	إعذرني . طمّاع وأناني
ده أنا روحى وروحك عصفورة	ترقص وتغنى بألحاني
لو غابت عن عيني الصورة	الحب مسيره يرجعنا
عصافير الحب تودعنا	والدنيا ما قدرتش تساعنا
ده أنا حبي وحبك يا حبي	نبعد ونقرب يجمعنا



هات إيدك فى إيديا تعالي	هات راسك على صدرى ارتاح
ف عنيا أحملك م القيالّه	وف ليلك راح أعيش مدّاح
يا قمرى دى نجومك غارت	من حبي . معلىش . سماع
على قلبى القسوة لو جارت	الحب مسيره يرجعنا
عصافير الحب تودعنا	والدنيا ما قدرتش تساعنا
ده أنا حبي وحبك يا حبيبي	نبعد ونقرب . يجمعنا

همسة عتاب

هواكى باقى جوايا كما الأول وحتى اكثر
أشوفك رايحة أو جايه بدوني . . عقلى يتوتر
واسمك غنوه وحكاية ف قلبى وروحى متسطر

❖❖❖

حرام تنسى هوانا يوم ولسه عود هوانا أخضر
بمادك عنى خلا النوم يفوت ع العين ويتأمر
أنا فى الحب ليه مظلوم كثير أنا صُمت . نفسى أفطر

❖❖❖

يا فايت ع الحبيب قول له حبيبك نفسه ليه تحضر
تجبه إزاي ويتذآله وفيه الفرحة مستخسر
غلط فيك يوم إغفر له يا قاسى القلب . مرة . إعدُر

❖❖❖

أنا من غير لقاك هايم لا باتقدم ولا اتأخر
ده قلبك قلبى كان صايم عن الحلوين ومستكبر
ومش ممكن تكون ظالم يا قلب أبيض ولون أسمر

❖❖❖

يا حلوة فين حنان قلبك يا ضحكك صافيه كات تسحر
وليه حرمانى من حبك ف بعدك قلبى كيف يصبر
يا عبلة فى الهوى عبدك مفيش ليكى سواء عنتر

❖❖❖

أحبك والسما شاهد ف حبك ياما كنت أسهر
ف محرابك أنا عابد تحنى.. تقسى برضه أشكر
جمالك غيره مش شايف يا أحلى من القمر.. وأقمر

❖❖❖

إنتِ أكثر من حبيبتي

كلميني يا حبيبتي	كل يوم باشتاق إليكى
كلمة منك دى سمادتي	قلبي صار ملهوف عليكى
ليه بعادك عنى طول	وانطفئ ليه نور عنيكى
ياللى حُبك لينا حول	نهر حبي بين إيديكى

❖❖❖

كان مُنايا تكونى جنبى	كل ساعة وكل يوم
ياللى حُبك كل ذنبي	بعد حبك . ما فى لوم
إنتى دائى وانتى طبرى	وانتى شمسى فى الغيوم
ليه تسبيني ف بحر حبي	لا أعرف أغرق أو أعوم

❖❖❖

ليه لقانا صار مناسبه او مصادفه يا حياتي
كل كلمه وخطوه حاسبه ليه نسيتي امسياتي
ده انتى حبك كان هلالى غيره ما ينور ليلايتى
ياللى طبعك فى العلالى قلبى مش راضى بسكاتى

❖❖❖

نفسى اغنى نفسى ارقص بس لحنى صار حزين
عمر حبي يوم ما ينقص ده انتى حبك ليا دين
م اللى قال انك حبيبتي ده انتى نبع للعتين
انتى اكرم من حبيبتي انتى قلب وروح وعين

❖❖❖

قلبي في حبك .. صبور

كنت تايه جوه همي	قلبي منى راح يضيع
شفت وشك زى أمي	وردة تضحك للربيع
خدت كفك بين إيديا	ناعمة دافية كالرضيع
ده إنتو روحى ونور عنيا	بيكى كل الناس.. أبيع

قبل حبك كنت عايش	زى طفل فى ليل صقيع
قلبي قبلك وغد طايش	وأما حبك.. صار وديع
إنتى فجر الحب.. نفسى	شمسه تطلع ع الجميع
لو عليا ف يوم هاتقسى	راح يكون قلبك.. شفيع

إنّتى عايشه جوّه قلبى
لما أقابلك ليه تخبى
العيون بتقول باحبك
مدّ مرّة.. جذر مرّة
ضحكة صافية تشع نور
عنى حبك.. ده انتى حور
بس قلبك.. موج بحور
إمتى يرسى له شعور

❖❖❖

زقزقى لى يا حبيبتى
إنّتى عصفورة جميلة
مرة أحسن إنك بسيطة
حتى لو قلبك عاندى
رقصى كل الطيور
ليه تكونى جوّه سور
مرة أشوف فيكى الغرور
قلبي فى حبك صبور

مهما هوتی

"موها" دی ست البنات وشها مالوش مثیل
بقها سکر نبات دیل حصانها أحلی دیل
والعنین دول من سکات یشفوا من نظره العلیل

❖❖❖

مهما هوتی، مهما هوئی بنت حلوة وبنت شاطره
ع السلالم خطوة خطوة والحضانة نزوحها فاطره
راح تقول لو يوم تشوقها هی دی بنت الدکاتره

❖❖❖

مهما هوتی دی حبیبتی نفسی أحضنها وأطیر
حاجة واحدة بتضایقنی کل حبه تقول عصیر
وأما بزعل.. لیها ضحکة تشبه البدر المنیر

كل عام وانت الحبيبة

كل عام وانت الحبيبة	كل ليله وكل يوم
وانت من قلبي القريبه	كنت صاحي أو في نوم
النهارده عيد ميلادك	والريبع فتح زهوره
والنهارده يوم ميلادي	نفسى قلبك.. مرة أزوره
النهاردة عيد ميلادك	في الفؤاد ده يوم جلوسك
بمس حاسس وف بمادك	إنى نفسى أطير وأبوسك

حاسس إن الدنيا جنّه	والريبع للحب غنّى
والشجر خضّر عشانا	والطيور غيرانه متا
حطى إيدك بين أيديا	نزرع الأيام جناين
وردة بيضا من عنيا	وانت عطرك فيها باين
حُبى ليكى ده البداية	لليالى الحلوه جاّيه
طول ما قلبك كان معايا	مين هيقدر يوم عليّا

حنى مرة ع الغلابه

قلبي كان قاعد ف حاله	جيتى إنتو وصحتيه
كات مشاعري ف قلبي ماتت	رديتى لى روحى فيه
الحياة كات ليله ضلمه	والنهار كان كله حيره
بيكى أصبح ليلى جئته	وانتى فى القلب الأميرة
بيكى شفت الدنيا حلوة	قبلك أنتى الدنيا غابه
دق قلبك عندى غنوة	خللا قلبي يدوب صبابه
والكلام من بين شفايفك	لحن يرقص ع الريابة
من زمان وأنا قلبي شايفك	ياللى أطيب م الطيابة
أعمل أيه وأنا قلبي عاشقك	حنى مرة ع الغلابه

ابن الأرض

يا أم الخير

يا وش الخير

يا نسمة حب تهنهف

تملا قلوب الناس بالخير

❖❖❖

وف يوم عيدك

نفسى أغنى.. أرقص.. أطيّر

بس إزاي يا حبيبتي أغنى

والناس نسيت

إن الليل من بعده نهار

بس إزاي يا حبيبتي أنا أرقص

وانتى سفينتك

تاهت عن عنوان الدار

ده إنتى سفينتك
بين الموجه وبين الموجه
زى اللقمة ما بين القط وبين الفار
يا أم الخير
يا وش الخير
يا نسمة حب تهفهم
تملا قلوب الناس بالخير

❖❖❖

وف يوم عيدك
نفسى أهنى وأقول مبروك
بس إزاي يا حبيبتي أبارك
وانتى قبالك
شايقه ولادك
غير الضلمه ما يعرفوا نور
ده إنتى ولادك نايمه.. ونايمه ونايمه.. ونايمه
و نايمه ونايمه ونايمه هى سابع نوم
آه.. أصل ولادك نايمه بتحلم
... إن تكمل أكلها نوم!!

❖❖❖

يا أم الخير
يا وش الخير
يا نسمة حب تهفّف
تملا قلوب الناس بالخير

❖❖❖

يا ورده وعدوها
بالحب يرووها
وبين الجفن والننى
رايح يبقوا يشيلوها
لو جت فى يوم طرحت
ولما الورده جت كبرت
وطرحت أحلى ما فيها
وفاح العطر من فيها
بإيد قاسيه.. قطعوها
وراموها..

لحد عنيا ما انجرحت
وقالوا عنها.. إنتحرت!!

❖❖❖

وف يوم عيدك
مش راح أجيب لك فستان مكسى
أنا بدى أكسى
كل يتيم ويتيمه عرايا فى عز البرد
بدى أعيد الورق الأخضر
يكسى فروع الشجر العارى
لأجل يضل فى القياه ولاد الأرض
❖❖❖

وف يوم عيدك
مش راح أجيب لك قلم الروح أو برهان
أنا راح أجيب الفاس والمقطف
لأجل مانيلك يوصل آخر طفل فى آخر نجع
لأجل ما يملا الصحرا الزرع
❖❖❖

أنا راح أركب كل ما سورة مدفع

مادنه لجامع

علشان يعلا بلال بأدانه

أنا راح أحوّل كل سجون الماضي

مصانع

أنا راح أحوّل كل رصاصه

لبذرة خير

لأجل ما تعرف كل الناس

حُب النفس وحُب الفير

لأجل ما يملا قلوب الناس

- يا حبيبتى - الخير

يا أم الخير

يا وش الخير

يا نسمة حب تهفّف

تملا قلوب الناس - بالخير

ودي عادة الديان

مولد وصاحبه مات
والكل عاد داره
فيه اللي قلبه إنجرح
فيه اللي صدره إنشرح
واكثرهم إحتاروا
❖❖❖
لفيت بلاد الله
وتعبت م اللف أنا
والعقل مفتاحي
مالقيتش غير عندنا
الزفة للصاحي
❖❖❖

المولد اللى إتصّب من كم سنه فأتوا

كان ملجأ الدبان

راقدا ولا يقمشى

وصاحبنا كان يطريه

ويريحه وشه

فكشفت له أسراراه

وكعادة الدبان

بيحط ع المكشوف

بيحط ما يقمشى

❖❖❖

من يومها فيه اللى إنجرح

من يومها فيه اللى إنشرح

وأكثرهم إحتاروا

لكن ما حدش قدر

منهم.. على هشه

بص إتلفت

يا ابن البلد بص إتلفت

دول كلمتين زى الطلق

إن صابوا..

صبت وتنسبط

وإن خابوا

إحذر م الفرق

❖❖❖

لا تمبى فى القرطاس هوا

ولا بالمناخل تملأ ميه

أو يوم تقول صمتهك دوا

ده الصمت مفتاح البليه

❖❖❖

إفهم ودقق فى الكلام
مش كل من فى الساقية تور
مش كل زفه تكون سلام
ولا كل عين بتحب نور
مش كل جاهل جه حرام
ولا كل متعلم سوى
ده العقل والقلب "المقام"
فى الشدة ده بنيان قوى
بس إوعى تزعل م الكلام
ده أنت فاهمنى وفهلوى
ما هو أصل لو حشت الكلام
يخاصمنى شعرى ويتلوى.

صورة وموقف

مرة ماشى الصبح بدرى
زى عادتي كل يوم
يوم وكان البرد قاسى
جو شبوره وغيوم

❖❖❖

بتهيا لى كومه نايمه
قلت أروح أشوف ده إيه
طفل نايم جنب حيطه
والندى نازل عليه
❖❖❖

قلت إنت ياللى نايم
والندى نازل عليك
قول لى يا بنى إيه حكايته
يمكن أقدر أعطف عليك

❖❖❖

قال لى أبويا مات وسابنى
مات وسابنى من سنين
كان موصنى علياً عمى
ومين يكون غيره الأمين
أتارى عمى إتجوز أمى
قبل ما يفوت الأربعين

آه..

بدم القلب برويها
وجسم الآهه دى دموى
دى شالت - ياما - من همى
وعشت أحكى لها عن جوعى
❖❖❖

حبيبى..
بعدت ليه عنى
وتدفن - بالحيا - شموى
ده لو جفت عيون أمى
عيونك شمس ينبوعى
ولو تاه الهوى منى
كفانى إنت.. ورا ضلوعى
❖❖❖

ومن صُغرى..
ركبت المركبه الخضره
ورحت أرسم خيوط بكره
الأغى بحرى.. يتعبنى
ومن شعرى
سقيت الغنوة والفكره
ودُقت الملحه والمره
ولا مرّة ألقى إيديّن تساعدنى
بدون ما أدرى
لقيت نورك ببعضنى
وحرر بحرى م الضلمة
قتلت الفش فى الكلمة
وغنى الصخر من هنّى
❖❖❖

بكيت النجمة يوم غابت
حزنت لزهرك دبلت
ومزعلتش..
تسيبني شمعہ مسكينه
ومن شمسة بتحرمني
وشمس الناس تدويني..
وتصهرني
ولما البحر طوحنى
تتوه منى وتجرحنى
وجاى تقول لى سامحنى
أنا اسامحك
آه.. ومين طيب يسامحنى؟

محاسن مولانا البصل

الدنيا دنيا البصل	شوف كيلوه حصل كام
لا تقول طحينه وعسل	ولا حتى بترول خام
مناخيره فوق فى السما	يتنافس الأهمرام
طبعاً يا سيدنا البصل	لك حق ما فى كلام

❖❖❖

إنست الطبيب والدوا	والشفا فى م الأورام
ريحتك دى مسك وهنا	يشهد لها البرفام
بتصحى م الإغماء	وبتشفى كل زكام
وتستهل الأرزاق	وتلّون الأحلام
طبعاً يا سيدنا البصل	لك حق.. ما فى كلام

❖❖❖

دول جففوك فى العلب وبقيت خواجه تمام
ويخرجوك بالطلب زى السذهب بجرام
بكره يعبوك حقن أو يعملوك برشام
ويدندوك فى الفنا ويمثلوك أفلام
طبعاً يا سيدنا البصل لك حق ما فى كلام

❖❖❖

أزرع غيطانك أنا وأسقيك طوال العام
والآخر أما أجمعك تصبح عليا حرام
سلمنا لك أمرنا وبقينا لك خدام
ندر" أما ترجع لنا نبني لك أعلى مقام

إيه يكون؟

إيه تكون اللبّه من غير كهرية

إيه تكون قيمة الكلام

والودان متسدده

إيه يكون فنان وعنده موهبه

من غير دراسه تشد حيله وتتجدد

إيه يساوى شعب عنده مال قارون

من غير ثقافة تفذى روحه وتسعده

❖❖❖

الكتاب قبل الرغبة

شعب ما قدر يوم عليه أستعبده

الكتاب جنب الرغبة

شعب واعى وعينه صاحبه مفتحله

الكتاب بعد الرغبة

شعب خطى فى الحياة أولها باب

الرغبة من غير كتاب

شعب دافن نفسه - حى - فى التراب

يا تونسى... يا منسى

يا تونسى قوم اصحى شوف شعرنا الميرى
بيقولوا قال فصحي اوفن تعبيري

♦♦♦

نخلك يا بيرم دهب واحنا جريد فضه
فاكرين يا تونسى "الأدب" أيام وتتقضى

♦♦♦

فين إنت يا بيرم تلحقنى م المغنى
فاكرينى يوم عنك راح أقدر أستغنى

♦♦♦

طلب قول لي كيف أنسى شمس الأصيل قالت
الحُب راح يرسى فينم القدود مالت

ياما حكوا عنك الكلمة تشهدك
والقافيه يا بيرم كانت بتسجدك

وصيتك كانت للشعر ولأهله
الشاعر الناجع الكلمة تنده له
الشاعر الفالغ يفتح كتب يقرأ
يحرق في شعره الدم ويبلور الفكره

فهمنا قصدك غلط طبعاً دى عادتنا
بلورنا إحنا الدم وحرقتنا فكرتنا

"ده الأنس كان إنت" "والإنسجام إنت"
"والمجلس البلدى" باقى وفين إنت

طب قول لى كيف نقرا أو نكتب الكلمة
طول ما أنت يا بيرم غايب عن اللمة

"وشموس أصيلك" فين يا تونسى فين "خوصك"
"ده عرضك إما اقترب" كان نفسى أنا أبوسك

إيه اللى ناقص يعملته؟

قاعدين على باب القطر
مع إنه اليوم كان رايق
يتكلم كلمه ويسكت
ويعيد فى كلام وحقايق
وكانه الطفل بيكتب وخايف ليميل ع السطر
قاعدين على باب القطر.

❖❖❖

مع إن البت البياعة
ما قرتش فى يوم ولا "الف بيه"
ولا تعرف تتطق م الكلمات
غير ستى وسيدى وعينى يابيه
ما هو أصل البت البياعة..
دى بقالها سنين
خدأه فى أكبر قصر
❖❖❖

كان صاحب القصر من الأعيان
أوم التجار
كان يوم م الشرفا ويوم سمسار
كان له ميت شكل
وبرغم المال والعز
كان يمنع عنها الأكل
كان يمنع عنها الأكل..
وما بتتهز
وما بين كفيه كان يجرى النهر
كات عارفه بان النهر بيجرى فى أرض ولادها
ومياه النهر
دى دم الأهل.
كات ترضى بشرية صبر.
❖❖❖

وفى يوم البت الخدامة هريت م القصر
"رضيت بالجوع
وبشرب الصبر"
لكن..

ما بترضى - فى يوم -
تتلفق ليها التهمه
أو يفتح صاحب القصر خزائن الكذب
ويقول: دى الخاينه وشارية خمر
والآخر جاى يعاتبها على باب القطر
❖❖❖

والناس من كل مكان فى القطر
بيمدوا ودانهم وارقابهم
من بين الشيش المكسور
أوجوه الطرقة
زى المساجين
وخذودهم..
زى كفوفهم
جامده وناشفه ومحفوره
كالأرض البور
والشمس الحارقة..
بتعض الطين.

❖❖❖

وضهورهم مقووسه وبايه
كما ديل الكلب الأجرب لما يلف
على هيئة نص الداييره.

❖❖❖

الراجل صاحب القصر
بيعاتب لسه الخدامه
والناس تتصعب..
الناس تتصعب وتمصمص
شفايفها الناشفة اللى ما تتمص
الراجل صاحب القصر
بقى راجل عصبي
بيسب البت البياعة
والناس بتجز على سنانها
السايبة ودايما مرعوشة
وكأن الفم..
بقى حفله رقص

❖❖❖

الراجل صاحب القصر
بيمد إيديه ويبخنق...
والناس بتغمض فى عنيتها
والبت عيونها الدبلانه
بتحلق فيهم.. وتبص
وتبص..

الأوله آه

الأوله آه

الثانية آه

الثالثة آه

❖❖❖

الأوله بشيل الهم من صغرى ماقلتش آه

الثانية فى عز الضلمه خرجونى وقالوا تاه

الثالثة وياقى العمر عشت أسأل فى خلق الله

❖❖❖

الأوله بشيل الهم من صغرى ماقلتش آه ولا غير حقى أنا عايز

الثانية فى عز الضلمه خرجونى وقالوا تاه وأهو كله هنا جايز

الثالثة وياقى العمر عشت أسأل فى خلق الله لا فيه أعمى ولا عاجز

❖❖❖

الأوله بشيل الهم من صغرى ماقلتش آه ولا غير حتى أنا عايز غطايًا وقوت
الثانية فى عز الضلمه خرجونى وقالوا تاه وآهو كله هنا جايـز حياة أو موت
الثالثة وياقى العمر عشت أسأل فى خلق الله لا فيه أعمى ولا عاجز وليه يا سكوت؟

❖❖❖

الأوله آه

الثانية آه

الثالثة آه

حنين الروح

يتوه العقل أو يشملح
يفوص الفكر في بحورك
وتهرب رجلى من دربك
أكنّ إيدياً عن خيرك

❖❖❖

يدوب الجسم في ذنوبه
وتجعد عيني نور شمسك
ومهما كنت لك عاصي
ألاقي القلب ينده لك
يزيح الضلمه من راسي
حنين روعي لذكر اسمك

❖❖❖

ده روحى
همسه من روحك
وجسمى
طينه من أرضك
وقلبى ومضه من نورك
وكيف يا ربى.. أشرك بك
❖❖❖
يهز ضلوعى نور حبك
تموت الآه
ويملا مهجتى عطفك
أبيع الجاه
ولما اسمع طيور الفجر بتزقزق
تقول الله
دموعى تتفرش فرش
وتصبح رحمتك قبله
وأسجد لك
❖❖❖

قضيت عمري
أدوق الذنب والتاني
ودلوقتي..
أنا جاي لك
تداوي المر في لساني
وتقبل توبه من قلبي
رويتها دم وجداني
ومهما ذنبي كان قاسي
فُصاد عطفك وغفرانك
يلين الذنب لك يركع
ده ذنبي ملحة في أنهارك
ونقطة ضلمه في نهارك
لو إن دابت
أو إن فضلت
لا هاتضرك ولا تنفع.

أحبك (*)

أحبك قلب جوايا أحبك عقل ييفكر
أحبك ورده فلايه تقوح فى الجو وتعطر
أحبك ساقية دواره بتروى الكفر والبندر
وشمعه منوره الحاره وجنه والبساط أخضر

أحبك شجرة ضليلة تضم الأهل والعيله
ورقها مسطبه خضره عليها نسهر الليله
وأولادك من الحارة يفتؤوا حلوى حليه
وساعة الشده رجاله صحاب همه وشقيه

أحبك بيت وغيط أخضر أحبك م القمر أقمر
أحبك أسطى ييغمر وأسمر ساعده متشمّر
طبيب لمريضه يتبسم ولا يشخط ويتأمر
وزاير ييجى لمريضه لا يرغى له ولا يزمر

(*) هذه القصيدة فازت بالمركز الأول على جامعات مصر فى مسابقة للجامعة الأمريكية فى عام ١٩٨٤.

أحبك مدرسة وجامع وجندى للعدو مانع
أحبك طفل يبصلي وراجل ع المكن طالع
وبائع يرحم الشاري وشارى يعذر البائع
أحبك شغل فى المصنع نضيفه وهاديه فى الشارع

❖❖❖

أحبك أبله بتراعى ضميرها ويا أطفالها
مدرس فى البلد واعى يوعى فيها أجيالها
وياشمهندس زراعى صحارى بلده صاحى لها
دراعه غارسه فى دراعى ونحى الأرض من نيلها

❖❖❖

أحبك جامعة كلية أحبك حلوة مرضية
وشاب حلوة من حبه حبيبته ناسجة شمسية
وطلبه ويا استاذهم يعاملهم بحنينة
محامى يحمى كلمة حق يضحى بروحه تضحية

❖❖❖

أحبك شمس صبحيه
إيدين بالخير محنيه
أحبك ليلى مجنونها
لساعة لما جه حينها

ونيل أخضر ماله آخر
عروقها نوعه م الفاخر
مامتش إنما صابر
فى ثانية ليكى كان

أحبك أب أباني
قول له خلاص بقيت حلوة
أحبك نخلة بجريدها
وعصفوره بتغريدها
يعود لولاده من ثاني
تعالى إرتاح فى أحضاني
تسيح ربك الواحد
ترحب بابنك العايد

أحبك أم مصرية
ترضهم رومانسية
أحبك بكرة متهنى
أحبك ع النبي صلى
أحبك ساقية دواة
تغذى ولادها بحنانها
وتحمى وهم أزانها
أحبك أم لليلة
أحبك هب هب هب هب
تدور ليلة ورا ليلة

زوبعة جوسبان^(*)

ميين كان يقول إنتا	إرهاب فى يوم يا زمان
ده الفرحة طول عمرنا	والحب كان عنوان
والدنيا تشهد لنا	أأمن بلد لبنان
دلوقتى صار قلبنا	نبضه بكا وأحزان
علشان عيون باراك ⁽¹⁾	قام إفتري جوسبان
لكن ح يقنع مين	دى زوبعه ف فتجان

❖❖❖

قال عننا إرهاب	تعمى عنيك يا جبان
مش شايف اللى إنصاب	أطفال، شيوخ، نسوان
دول م اليهود تقتكر	عندك عما ألوان
ما تفهمه يا شيراك ⁽²⁾	باين عليه سكران
علشان عيون باراك	قام إفتري جوسبان
لكن هاقنع مين	دى زوبعه ف فتجان

❖❖❖

(*) كتبت هذه القصيدة فى ٢٨/٢/٢٠٠٠ عندما ذهب رئيس الوزراء الفرنسى كيونيل

جوسبان إسرائيل وإتهم حزب الله اللبناني بالإرهاب.

(1) باراك: إيهود باراك كان رئيس وزراء إسرائيل فى ذلك الوقت.

(2) شيراك: جاك شيراك كان رئيس فرنسا فى ذلك الوقت.

ضربوا في دماغك حجر ^(١)	وجريت كما الفيران
عامللى فيها دكر	ده إنت البعيد حيوان
طب هات يهودى شكر	ربه فى عيد غفران
مين ع العرب قسأك	مالقيتش غير لبنان
علشان عيون باراك	تكذب كده جوسبان
لكن هاتقنع مين	دى زوبعه ف فتجان

(١) ضربوا في دماغك حجر : فعلا ضرب اللبنانيون حجر في دفاع جوسبان.

الله عليك يا زمن

الله عليك يا زمن زمن الحبايب فين
دلوقتى كله بتمن والحب صار بالدين
ما فى حبيب يؤتمن على خله.. لو ساعتين
وما فيكش عيب يا زمن إحنا اللي فينا العيب
من حزننى جوهر الوطن حاسس بإنى غريب

❖❖❖

فين لما كان قلبنا على بعض لو هانموت
هم الحبيب همنا قدامنا صورة وصوت
إتمرى ليه حينا وساترنا ورقة توت
وما فيكش عيب يا زمن إحنا اللي فينا العيب
من حزننى جوهر الوطن حاسس بإنى غريب

❖❖❖

إحنا اللى كانوا الناس تضرب بشوقنا المثل
بدل الدماء إحساس يجرى فى عروقنا عسل
دلوقتى ليه الوسواس العقل ليه إمتثل
وما فيكش عيب يا زمن إحنا اللى فينا العيب
من حزننى جوہ الوطن حاسس بإنى غريب

❖❖❖

الأخ ينسى أخوه وكأنه ما يوم شافه
والقلب كام قَسْوُه صبح النفاق آفه
من غُلِبى لطمت يا هوہ ع الخد بشقاقه^(١)
وما فيكش عيب يا زمن إحنا اللى فينا العيب
من حزننى جوہ الوطن حاسس بإنى غريب

❖❖❖

يا ناس كفايه بقى تمذيب لبعضيكم
بالحب نمحى الشقا والدنيا ترضيكم
نرجع لدين ربنا والرب يهديكم
وساعتها يحلى الزمن وجراح نفوسنا تطيب
وأحس جوہ الوطن عايش كأحلى حبيب

(١) شقافة: الفخار المكسور مثل القل والزنغ.

هدية للإنسانية^(*)

يا حبيبى خدنى جنبك نفسى أرد فى يوم جميلك
ألف بعد الشر عنك قلبى ليل ونهار داعيلك
حب كل الناس ده طبعك قوم يا فارس شد حيلك
ده إمتحان من عند ربك قول لى طيب إيه دليلك؟
ما أنت أهل العزم طبعاً والحمول على أد شيلك



كنت لسه عود مخضر التقيتك بتراعينى
الحنان فى عنيك معبر أما قلبك ده عرينى⁽¹⁾
اللى حاصل ده مقدر يا طيور الحب عينى
لو بإيدى أفديك بعمري ده أنت روحى وذن عينى



يا "على" والكل عارف إنت عالى فى كل شىء
من عرفتك وإنت حالف للفلاحة تكون رفيق
طيب، حب، وإنسانيه للمدو قبل الصديق
رينا سواك هدية للمريض لو كان فى ضيق

(*) للأستاذ الدكتور: على خليفة عندما كان يعالج من السرطان اللعين فى
أمريكا ٤/٤/٢٠٠١.

(1) عرينى: بيتى.

الإرهاب ظاهرة عالمية

كناف خير وأمان وسلام
ومنورة شمس الحرية
والأيام ماشية لقُدام
دنيا جميلة وعيشة هنيئة
فجأة لقينا الدنيا ظلام
قلنا ده يمكن ضلمة عادية
جاننا كابوس ولا فى الأحلام
والبرجين^(١) إتهدو فى ثانية
بوش وتشينى صبحم أقزام
صرخوا ولطموا تقولش وليه

(١) البرجين: برجى التجارة العالمى فى أمريكا فى أحداث ٩/١١/٢٠٠١.

قالوا ده كله من الإسلام
دين إرهاب كله ودمويه
قلنا يا عالم ده اسمه كلام
ولا نستيتوا حروب صليبيه
مين بيدبح فى الأيتام
فى فلسطين غير اليهوديه
الإرهاب لا فى الإسلام
ولا يهوديه ولا مسيحيه
الإرهاب فى كل مكان
الإرهاب ظاهرة عالميه

ايه ظروفك

آه يا قلبك لما غبتى عنى.. جمعه ويا سبت
حاسس إنك ليه بعدتى لا إتصلتى ولا إتصلت
ليه قساوتك يا حبيبتى عمرى عنك.. ما انشغلت
مين معاكى جاب فى سيرتى أصلى يومها كتير شرقت

قلتى إنك حبيتنى فمين دليل الحب عندك؟
بوسه حلوه فوق جبينى ليه ما شفتش إلا عندك
نفسى أعوض يوم سنينى وأقضى باقى العمر جنبك
من جمالك أملأ عينى ياللى عينى نورها منك
فمين حلاوتك دوقينى دا الهوى والعشق منك
إنتى غاويه تحنسينى دلغينى فى بحر حسنك

قُلْتُ "جمعه وسبت" ماشى
برضو طيفك ليه ما جاشى
إيه اللى عتّى - يا حبى - حاشك
دى الميون فى البرد شاشك
قلبى من ساعة ما شافك
بكره ييجى "الحد" أشوفك
نفسى أعرف إيه ظروفك
زاد حنينك ولا خوفك
والرموش فى الحر روفك⁽¹⁾
- يوم - مادقش غيرحروفك



وأدى "الإثنين" جه وقلنا
والقرح يرجع يزورنا
والمويابل جنبى ساكن
من يومين ومافهش شاحن
والحقيقة شمس غاييه
يا حبيبى أنا روحى دايله
أصل تقلك حاجة خاييه
م الحياة أنا راسى شايله
ييجى روح القلب يسأل
بس هو أثاره بيتقل
ما فى يستقبل ويرسل
نفسه يعرف إيه بيحصل
بين أمالى وبين غيومك
بس مش قادر ألومك
ليه تشمت فىك خصومك
سيبنى أشيل عتّك همومك



(1) روفك: سطلحك: أى مكان للهواء النقى.

جه "التلات" والشمس طلعت	لما روح القلب فيفنى
نورها غطى ع المحطه	والريبع خضر خريفى
روحى ردت فيا تانى	والحياة رجعت جميلة
يا حبيبتي أنا مش أنانى	فى الهوى أنا مالى حيله
القمر بقى له وسيله	يطلعوا له فى يوم وليله
وانت حبك يا حياتى	مش لاقى له وسيله

❖❖❖

لما جه "الأربع" وشفتك	الموازل قاعدة جنبك
يا حبيبتي أنا قلبى حبك	مش صحابك أو قرابيك
حامنك إنك حبتينى	ولأ يعنى بحبى غاصبك
إنت غاويه تجرمينى	من حنانك آه يا قلبك
قلبك إنت ليا بيتى	إن رفضتى أو رضيتى
ولأ يعنى عشان عشقتك	بعتى فيا وإشتريتى
دا الهوى ما مفهوش مدلة	إبتديت ولا إبتديتى
مين اللى قال للحب ملة	فين سمعتى وفين قريتى

❖❖❖

والخميس* أهوجه وغيتي
إيه حكايتك يا حبيبتي
إهدى حبه وفهميني
دا اللي بين قلبك وبينى
قلبي ليكى أحلى جنة
إبعدى عزالنسا عني
الحياة ضلعة فى عنينا
سايقه تقلبك ليه عليا
هاتى إيدك بين إيديه
حاجه غير الخلق ديه
وانستو قلبك حته منى
إوعى تانى تغيبى عنى

عيد الأم (*)

أُمِّي.. أُمِّي يا حبيبتي كل عام وأنتِ بسعادة
م الشهور.. تسعه حملتي والتعب كان في الولادة
والرضاعة.. دول عامين كنتي أم.. وكنتي دادة
مين يستحملني مين ياللى صدرك.. لى وسادة



النهاردة.. نفسى أجيبلك كل حاجة يا أصيلة
إنتِ عارفه إنى بحبك بس ما فى اليد حيله
مش راح أنسى كثير سهرتى جنبى لما أكون عليه
ولأ لما الصبح بدرى بتناديني بروح جميلة



النهاردة اللي عليا إنى أذاكر وأبقى شاطر
ليكى عندي أغلى هدية إنى أزوح مدرستى فاطر
وأما حاجة تقولى ليأ ما فى غير طيب وحاضر
إنتِ روحى ونور عنيأ للجميل طول عمرى فاطر

(*) أغنية أطفال.

هو الحب لعبه ١٩

كل ساعة بحاله ليه ايه حكايك إنت ايه ١٩
مرة.. تشتاقى لو صالى يوم تقولى.. جاى ليه ٩
يا تسيبنى أعيش ف حالى يا تقولى لى عايزه ايه ٩

يا حياتى شدى حيلك مره واحده طوعى قلبك
عيشى ويا نجومى.. ليلك نفسى أعيش العمر جنبك
قلبى فى الضلمة دليلك وانت ليه الحب تعبك
طهرينى بعطر نيلك غرقينى ف بحر حُبك

إنت واخده الحب لعبه قصه حلوه للتسالى
أما عندي القصة صعبه شوق وسُهد فى الليالى
ماضى.. حاضر - إنت رابعه برضه قلبك عندي غالى
المشاعر عندي نابعه من حنينى ومن خيالى

ما لكشى فى حبي نصيب

أول مرة.. أنا شفتك فيها قلت حبيب القلب آهو جاني
دا عليك ضحكة الله يخليها ردت فيا الروح.. من تاني
رجعت بيها.. الدنيا جميلة بعد ما كان الفرح نساني
ياللى خطفت القلب ف ليلة ليه فى الحب.. طلعت أناني

❖❖❖

قلت لى إن حبايبك ياما وإن الكُـل بيجرى عليك
ياللى حفرت ف قلبي علامة دى الأشواق بانـت فى عنـيك
أنا عصفور فى القلب.. إحضنى وأبعد عن غريان حوالـيك
لو سبتنى مش هارجع أغنى ولا تلمسنى . فى يوم . بإيدـيك

❖❖❖

حاسس شمسك ليه بتغيب دانت عنيّا وأغلى حبيب
كل ما قرب منك.. تبعد طبعك ماله.. يا حبي . عجيب
ليه طول ما أنت بعيد تشتاق لي وأما تقرب تبقى غريب
من أفعالك.. أنا تاه عقلى أصلى مالكش في حبي نصيب

❖❖❖

لما تجيني.. الدنيا بتفرح والأيام تجري وتُحسنى
والأشجار.. أزهارها تفتح تدهع الصافير وتهنئني
جانا ربيع الحب.. تعالى نفرح.. نرقص.. يالآ نغني
فجأة.. بتبعد كده ليه عنى إنت بايئك.. هاتجيني

ليه قلبك أنانى

نورى لى العين بنورك افتحى لى القلب تانى
هدى ياللا بحبى سورك أنت ليه قلبك أنانى؟
عارفّه إن قلبى عاشقك ليه يا حبى مقلبانى
ويا حبى إنسى عقلك أصلى حبى شكل تانى

❖❖❖

هاتى إيدك بين إيديا الصحارى تصوير جناين
ضللى بشعرك عليا ليه بمادك عنى هاتين
م اللى قسأكى عليا م اللى قالك إنى خاين
حطى عينك فى عنيا شوقى ليكى فيها باين

❖❖❖

هو نفس الوش وأحلى م اللى شفته فى الخيال
بيكى تبقى الدنيا أحلى ده أنتو كمبة للجمال
العيون عين ماء جميلة حلوه صافيه زى زمزم
والشفاف مالى حيله لما أشوفهم مهما أعزم
أعزم إنى مش هاقرب تانى ليهم بيقى أسلم
لما أشوفهم عقلى يهرب وأجرى أبوسهم قبل ماندم

كوكمشی منطی^(١)

هیا بیضا قشطه مرمـر
أما لونی.. خمري.. حنطی
جوزهما.. قاعد زی عنتر
ابن باشا.. وابن حنتی
قاللی إنه ابن باشا
ترکی.. ما هوش کونتا کنتی^(٢)
عندی کل تحفه لیهـا
م المـقـزـه.. زی بنتی
دیـه.. خرطوشه سـجـایـر
م الذهب.. إیـاک تـلـطـی
أما - ده - تمثال لجدی
دمه غیر دمک.. یا زفتی

(١) کوکمشی منطی: کلمة ترکیه بمعنی یادی الخیبه.

(٢) کونتا کنتی: الزنجی فی مسلسل جذور.

دمه دم ملوکی اُزرق
أما دَمَك.. ماء للفت
كل يوم ع القهوة قاعد
يلعب الدومنه.. ويفتي
في الحروب أنا كنت قائد
قتل كل الناس.. وظيفتي
إحنا جينا لأجل ننشر
الحضارة.. خلاصى عرفتي
إحنا مش جايين هاننهب
إننت فاكرنى.. كلفتى^(١)
بكره تيجى تزورنى باكر
وأدى عنوان.. فخمى^(٢)

(١) كلفتى: حرامى.

(٢) فخمى: فهمتى.

رحلت لابس أحلى بدله
والكلونيا تغطي رجلي
رحلت مالتش الخواجه
والمدام.. فتحت قريحتي^(١)
وش أبيض صيح نادى
ضحكه حلوة.. ليه فرحتي؟
قلت ليها الباشا نادى
خُش ياللا.. ف إيه سرحتي؟
أصله جاله ظرف طائر
راح مسافر.. يا فضيحتي
قلت ليها إيه الحكاية
قال.. خسر ف البورصة.. فيفتي^(٢)

(١) قريحتي: نفسي.

(٢) فيفتي: ٥٠٪.

لو معاك تدینی سلفه
تبقي فارس كل لیاتی
قلت ماشی فلوس معايا
تاخدی بس.. إيه ضمانتی؟
لوهاییجی فجأه جوزك
تبقي لیّا - یا حلوه - خُنتی
أصلي سامع صوت لرجله
فی الفرانده.. لأ دی بنتی!!
قلت لا أنا برضه خایف
أحلی حاجه أضمن سلامتی
رُحت هارب م الجنینه
صرخت.. كوكمشی منطی!!
لما رحت القهوة.. باكر
قالی جوزها.. كوكمشی منطی!!

الفهرس

٩	مفتح
١٠	وعند الساقية نتسلى
١٢	يا حبيبتي.. ما انتى عارفه
١٤	أغنى لك وأحلم بك
١٦	قسوه الحبيب
١٧	حرب ولا حب
١٩	غبروكى
٢٠	أحلى طرحة
٢٢	غير حلاوتك ما اشتھيها
٢٤	بكره عيدك
٢٥	وحشتينى
٢٦	أمير العشاق
٢٧	حبك هو إلهامى
٢٨	قلبك جنبى
٢٩	عليكى قلبى وصانى
٣٠	ليه نتقل

٣٣ أنا آدم
٣٤ أسف إنى بودعك
٣٦ يا خالق قلبى.. رحماك
٣٧ بطل جنونك
٣٩ إمتى ترجع يا حبيبى
٤١ أأمرى
٤٢ الحب مسيره يرجعنا
٤٤ همسه عتاب
٤٦ إنتى أكثر من حبيبتى
٤٨ قلبى فى حبك.. صبور
٥٠ مهما هوتى
٥١ كل عام وانتى الحبيب
٥٢ حنى مرة ع الغلاية
٥٣ ابن الأرض
٥٨ ودى عادة الدبان
٦٠ بص إتلفت
٦٢ صورة وموقف
٦٤ آه
٦٧ محاسن مولانا البصل
٦٩ إيه يكون؟

٧٠	يا تونسى.. يا منسى
٧٣	إيه اللى ناقص يعمله
٧٨	الأوله آه
٨٠	حنين الروح
٨٣	أحبك
٨٦	زوبعة جوسبان
٨٨	الله عليك يا زمن
٩٠	هديه للإنسانيه
٩١	الإرهاب ظاهرة عالمية
٩٣	إيه ظروفك
٩٧	عيد الأم
٩٨	هو الحب لعبه؟
٩٩	مالكشى فى حبي نصيب!!
١٠١	ليه قلبك أناى
١٠٢	كوكمشى منطى